

**Themau - Themes**

Ces i fy ngeni - *I was born*

**Patrymau Iaith - Language patterns**

Dyn ni'n defnyddio'r patrwm yma am rywbeth sy'n digwydd i ni  
e.e ces i fy ngeni / ces i fy ngweld.

*We use this pattern to talk about something that happens to us  
e.g I was born / I was seen*

Ces i fy ngeni yn Ne Affrica.	<i>I was born in South Africa</i>
Cest ti dy eni yn Johannesburg.	<i>You were born in Johannesburg</i>
Cafodd e ei anfon i Johannesburg.	<i>He was sent to Johannesburg</i>
Cawson ni ein magu yn y Rhondda.	<i>We were brought up in the Rhondda</i>
Cawson nhw eu croesawu yno.	<i>They were welcomed there</i>

**Esiamplau ychwanegol - Extra examples**

*Cofiwch y rhagenwau a'u treigladau  
Remember the pronouns and their mutations.*

Fy + treigladd trwynol	<i>My + nasal mutation</i>
Dy + treigladd meddal	<i>Your + soft mutation</i>
Ei (g) + treigladd meddal	<i>His + soft mutation</i>
Ei (b) + treigladd llaes	<i>Her + aspirate mutation</i>
Ein + dim treigladd	<i>Our + dim treigladd</i>
Eich + dim treigladd	<i>Your + dim treigladd</i>
Eu + dim treigladd	<i>Their + dim treigladd</i>

**Amseroedd eraill - other tenses**

Dw i'n cael fy ngweld am 2- *I am being seen at 2*  
Dw i wedi cael fy ngweld - *I have been seen*  
Bydda i'n cael fy ngweld yfory - *I will be seen tomorrow*

## Tasgau - Tasks

### Tasg sain 1 / Audio task 1

Cysylltwch y ddwy ochr i greu brawddeg gywir.

*Connect the two sides to create a correct sentence.*

- |                       |  |
|-----------------------|--|
| 1 Ces i               | A ei geni yn yr Almaen.                      |
| 2 Cest ti             | B eu croesawu gan y bobl leol yn Ne Affrica. |
| 3 Cafodd tad Jen      | C dy eni yn Johannesburg.                    |
| 4 Cafodd ei chwaer hi | Ch fy ngeni yn Ne Affrica.                   |
| 5 Cawson ni           | D ei anfon i Johannesburg.                   |
| 6 Cawson nhw          | Dd ein magu yn y Rhondda.                    |

### Tasg sain 2 / Audio task 2

Atebwch y cwestiynau hyn.

*Answer these questions.*

Beth ddigwyddodd i Miss James cyn y cwrs?

Pwy arall oedd ar y cwrs?

Sut cawson nhw eu dychryn ?

Sut oedd Mr Thomas yn gwybod am y cwrs ?

Ydy Mr Thomas wedi cael ei ddal yn gyrru'n rhy gyflym?

## Sgript Sain - Audio Script

- Beti:** Ble cest ti dy eni, Jen?
- Jen:** Ble ces i fy ngeni? Pam rwyd ti'n gofyn?
- Beti:** Wel, dim yng Nghymru, nage?
- Jen:** Na. Rwyd ti'n iawn! Ces i fy ngeni yn Ne Affrica, yn Johannesburg.
- Beti:** Sut cest ti dy eni yn Johannesburg?
- Jen:** Cafodd fy nhad ei anfon i weithio yno yn y pumdegau.
- Beti:** Beth oedd gwaith dy dad?
- Jen:** Peiriannydd sifil oedd fy nhad. Aeth e i Dde Affrica am ddwy flynedd ...
- Beti:** O! Do fe?
- Jen:** Do. Cafodd e ei anfon i ddinas Johannesburg ac aeth mam hefyd.
- Beti:** Dyna antur!
- Jen:** Ie. Ond roedd llawer iawn o Gymry yno'n barod! Cawson nhw eu croesawu gan y bobl leol a'r Cymry.
- Beti:** Pryd cyrhaeddaist ti, 'te?
- Jen:** Wel, ces i fy ngeni dair blynedd yn ddiweddarach! Merch fach o Jo'burg!
- Beti:** Am faint o amser arhosoch chi allan yno?
- Jen:** Cafodd fy nhad ei alw yn ôl i Gymru ar ôl dwy flynedd. Roedd gwaith yma!
- Beti:** Beth am dy chwaer wedyn? Ble cafodd hi ei geni?
- Jen:** Cafodd fy nhad ei anfon i'r Almaen wedyn a cafodd fy chwaer ei geni yno.
- Beti:** Pryd daethoch chi'n ôl?
- Jen:** Ro'n ni yn yr Almaen am ddwy flynedd.
- Beti:** Felly mae dy chwaer yn Almaenes a rwyd ti'n dod o Dde Affrica.
- Jen:** Ond Cymry dyn ni! Cawson ni ein magu yn y Rhondda!

## Geirfa

**geni** - *(to) be born*

**antur** - *adventure*

**pumdegau** - *fifties*

**peiriannydd** - *engineer*

**croesawu** - *(to) welcome*

**yn ddiweddarach** - *later*

**yr Almaen** - *Germany*

**Almaenes** - *German (female)*

**magu** - *(to) be brought up*

**Cymry** - *Welsh people*

## Sgript Sain 2 - Audio Script 2

**Mr Thomas:** Bore da Helen.

**Miss James:** Bore da Mr Thomas.

**Mr Thomas:** Gest ti amser da ar y cwrs?

**Miss James:** O, ym, do ....da iawn diolch.

**Mr Thomas:** Cwrs beth oedd e? Dw i ddim yn cofio.

**Miss James:** Ym, wel, ...cwrs cyflymder.

**Mr Thomas:** Cwrs cyflymder?

**Miss James:** Ces i fy ngwahodd ar y cwrs gan Heddlu De Cymru.

**Mr Thomas:** A! Twt, twt! Gest ti dy ddal yn gyrru yn rhy gyflym do fe?

**Miss James:** Do. Cafodd fy nghariad ei stopio ac roedd e ar y cwrs hefyd!

**Mr Thomas:** O diar. Anffodus iawn.

**Miss James:** Aethon ni ar y cwrs yn lle cael pwyntiau.

**Mr Thomas:** Oedd lot o bobl ar y cwrs?

**Miss James:** O oedd. Gwelon ni luniau o ddamweiniau ofnadwy.

**Mr Thomas:** Gawsoch chi eich dychryn wrth weld y lluniau?

**Miss James:** Do. Cawson ni i gyd ein dychryn.

**Mr Thomas:** Maen nhw'n erchyll, ond dyn nhw?

**Miss James:** Ydyn wir. Sut dych chi'n gwybod?

**Mr Thomas:** Mae pobl eraill wedi cael eu dal gan Heddlu De Cymru, cofia.

**Miss James:** Dych chi wedi bod ar y cwrs?

**Mr Thomas:** Cafodd dau o fy ffrindiau eu dal llynedd a cawson nhw eu gwahodd i'r un cwrs.

**Miss James:** Dych chi'n siŵr bod chi ddim wedi bod ar y cwrs, Mr Thomas?

**Mr Thomas:** Dw i ddim yn gyrru yn rhy gyflym. Wel... dw i ddim wedi cael fy nal, eto o leia!

## Geirfa

**gwahodd** - *(to) invite*  
**dal** - *(to) catch*  
**yn lle** - *instead of*  
**dychryn** - *(to) frighten*  
**erchyll** - *horrendous*  
**o leia** - *at least*

## Atebion - Answers

### Tasg sain 1 / Audio task 1

- 1Ch Ces i fy ngeni yn Ne Affrica.
- 2C Cest ti dy eni yn Johannesburg.
- 3D Cafodd tad Jen ei anfon i Johannesburg.
- 4A Cafodd ei chwaer hi ei geni yn yr Almaen.
- 5Dd Cawson ni ein magu yn y Rhondda.
- 6B Cawson nhw eu croesawu yn Ne Africa.

### Tasg sain 2 / Audio task 2

Beth ddigwyddodd i Miss James cyn y cwrs? Cafodd hi ei dal yn gyrru'n rhy gyflym  
Pwy arall oedd ar y cwrs? Roedd ei chariad hi ar y cwrs.  
Sut cawson nhw eu dychryn? Cawson nhw eu dychryn gan luniau o ddamweiniau.  
Sut oedd Mr Thomas yn gwybod am y cwrs? Cafodd dau o'i ffrindiau eu gwahodd ar y cwrs llynedd.  
Ydy Mr Thomas wedi cael ei ddal yn gyrru'n rhy gyflym? Nac ydy, dyw e ddim wedi cael ei ddal, eto o leia!